

DIE STADT DER MYSTERIEN!

Nicht nur das hier „Revolutionen“ in Aufsichtsratssitzungen und Bier in Urin umgewandelt werden. Nein, mit ein bißchen Glück werden dort aus harmlosen Druckern und netten Wirtschaftsaufmännern ganz gefährliche Rocker! Das Geheimnis hat einen Namen: SACHSEN. Deshalb befragten wir das Orakel (im Text nur mit Ma (Makarios) und Ch (Christoph) sowie Sch (nein, nicht, was ihr denkt, sondern Scholle) angegeben.

Zum besseren Verständnis empfiehlt es sich, das Interview laut und mit verteilten Rollen vorzulesen.

Denn! Es ist kein Vogel! Es ist kein Schwein! Es ist... Es ist... DIE ART!

ME: Von dor Mussigge heer, da gennd mor ja eusch, da brauch mer eusch nich meer vordschdeln. So ä bissl was Briewades woll mor heern. Ihr gommd ja alle aus *Leibzsch*.

Ch: Nu, mir gommn alle aus *Leibzsch*.

Ma: Mommendahn muss'sch mor ersd ma ne Gibbe anschdeggn.

Ch: Aber briehwahd gann'sch dor sahchn gehds mier dohdahl beschissn. Dodahl beschissn gehds miehr da ooch!

ME: Na isch meen ja ooch, isch habb geheerd, äh baahr vonn eusch sinn ja nach *Bährlien* gedouchn.

Ch: Das änderd nischd an där Sidduadsion, dasses mier beschissn gehd.

ME: Ja, hieer, sache ma hieer, warumm gehds dier eischndlich beschissn, sache mal ehrlich, *Grissdoff*, isch genne disch seid Jahn: Immour gands oohm off, im *Vorrein dor bohsidiefn Dengor*. Isch bin dor Meinung, isch müssde disch jeds mah frahchn, warum bisd duuh dor Mainung, dasses dier beschissn gehd?

Ch: Bass ma off, hieer hasde de Liske, weeßde, schbielsde Gondserde, weeßde, de Loide schdehn da, findn's geihl, wirrde im Radschou geschbiel, hassde ne Schallblatte hiehr he. Soo da bissde ferd'sch, weeßde. Wehr gommd? Ä fedder Sagg mid

Inderfjouh machn häh, da gommd ihr Sägge an! Wouh sinn die geihln Girschn? Wo sinn die geihln Girschn, heje! Saach'sch diehr.

ME: Alsou eier Brohblem, eire Miesehre, ummes mah sou dsu sahchn, iss eischendlich dahraus endschdandn, dass de Gniddn feehn?

Ch: *Gor-reggd!*

ME: Fonn *Säggs*, *Draggs unn Raggnroull* iss eischndlich nuuhr *Draggs unn Raggnroul* ieb-rischgebliehm?

Ch: *Gor-reggd*, sach'sch dah nuuhr. *Broohsd!*

ME: Dor *Säggs* iss ä bissl ausgeschallded.

Ch: Isch habb ja noch dswee gesünnde Hände. *Mahgarischoss* gann da ä Liehd singn. Där hadd's nisch so ainfach!

Ma: Gebbd mier ma Feier! Jeds will'sch hier midrädn.

ME: Duh bisd als dor *Maggarijos*, dor *Sänger* von dor, von, von hiehr...

Ma: Dor *Inderbreed!*

ME: ... von, von dor Grubbe, dor Mussiggrubbe „Dieh Oard..“

Ma: *Gehnauu!*

ME: Unn duh hasd doch sischer ooch ne gewisse Grundauhssache in deinen Deggsden, die isch als bossidiwidisch-animiehrnd bedsachn' möschde.

Ma: *Genauu!* Also isch würd'sch sahchn, maine

Grundhaltung iss: 's würd'schoun ä irschend ä wie guhd gehn.

Ch: Nu freilisch! *Hä!!*

ME: Also du meensd also, dass alles mid ä guhdm Ände behafded sein würd?

Ma: *Alles! Immor!* Sons würd merr ja nisch mähr weiderlehm gönnen!

Ch: *Nu glaahr! Häh!*

ME: Alsou, du gloobds also an de Hoffnoug un de Liebe.

Ch: Arbor dah fehn de Gniddn!

Ma: Sähsuchd...

ME: Alsou biss off de Gniddn, alsou würdsde dah jedsd de Gniddn mid reindsähln, de Dordn?

Ch: *De Gerschn!*

Ma: Alsou isch habb jah meene Schbedsialdorde darheeme...

Ch: Dehr iss ja ausm Schneidor raus. *Häh.*

Ma: Unn wenn da geene Hoffnung drinn leesche, alsou hiehr due, würdsch dor sahchn...

ME: Allsou mor liehds jah ooch sou in *Schdaddmaggadsiehnenn mid finnf Buhch-schdahm*, dass irschendwelsche Gindor underwehchs sinn. Schdimmd das? Ginderreische Grubbe, oohder?

Ma: Isch meene, alsou, inndswischn hadd hiehr, na wie heesd deer, *Grahmgnechd...*

Ch: *Gnumbelwechd.*

Ma: *Dummbrechdn* iehror.

ME: Dor *Giddarisd*, nu iss ja glahr.

Ma: *Gehnauu, gehnauou*, deer hadd ä Wansd in de Weld gesedsd, heje, wasser sisch dabei gedachd hadd...

Ch: *Ne Gersche!*

Ma: ...gannsch diehr ooh nisch sahchn, dahmalds bei mier...

ME: Bei dier wars Liebe. Da solls ja Liebe gewesn sein?

Ma: Buhre Liebe.

ME: Unn hadd dieh sisch biss offn heudschn Dahch beschdädign gönnen?

Ma: Die hadd Beschdand.

ME: Das däd misch ja ma indoressiern, un iehr seid ooch noch guuhd dsusammn, duh un deine Frau?



DIE ART